



UNIVERSITÄTS-
BIBLIOTHEK
PADERBORN

Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

30. Leo Papa 1048. confirmat priuilegia Stabulensis & Malmundariensis
monasteriorum, ord. Benedictini, in Arduenna.

urn:nbn:de:hbz:466:1-10903

Wairinus Beluacorum Presul, nostrę congregationis frater.
Actum Rodomis, mense Ianuario, in octaua Epiphaniæ, In-
dictione sexta, regnante serenissimo Rege Francorum Roberto,
anno imperij sui XXVIII.

N O T A T I O N E S .

L E D V I N U S) Richardo, monasteriorum S. Vitoni Virdunensis, itemque S. Vedasti Atrebatensis Abbatii, in regimine Vedastini cœnobij successit; Præposituram de Berclou, prope Bassam opidum, fundauit, Haspram acquisiuit, & Dononiente monasterium reformauit. Vide Baldericum in Chron. Cam. l. 2. cap. 28. & 29. & lib. 3. cap. 16.

R I C H A R D U S) Comes Normanniae, filium habuit Richardum, suum in Ducatu Normanniae successorem.

G E M E T I C U M) vulgo *Iumiège*, Benedictinorum Abbatia, ad Se-
quanam fl. in Normannia & diœcesi Rotomagensi.

A N G L I C U R T) hodie Præpositura de Angicourt.

R O D O M I S) hoc est, in Rotomago.

A N N O X X V I I I .) ab obitu patris, qui an. 996. decepsit. Alibi inuenies annos Roberti Regis numeratos à tempore coronationis, viuente patre factæ, hoc est, ab an. 987. iuxta stilem Gallicum, aut ab an. 988. iuxta stilem Romanum.

C A P V T X X X .

*Leo Papa an. 1048. confirmat priuilegia Stabulensis & Malmunda-
riensis monasteriorum, ord. Benedictini, in Arduenna.*

LEOPOLDO Episcopus, seruus seruorum Dei, religioso Abbati vene-
rabilis monasterij S. Petri, sanctique Remaclii, in Stabulao posi-
ti, iusisque successoribus perpetuam in Domino salutem.

Cum summa Apostolicæ dignitatis apex in hoc dignosci-
tur præfulgere, si in exercendis Dei laudibus, sui impensis stude-
bit laboris exhibere certamen; ob hoc debita nos eiusdem Aposto-
licæ pastoralis compellit sollicitudinis cura, quæ ad stabilitatem
piorum pertinere dignoscuntur locorum, iterum perulgare &
Apostolicæ institutionis censura confirmare.

O o 3

Igitur

Igitur quia postulasti frater à nobis, quatenus monasteria in honore S. Petri constructa, id est, STABVLAVS & MALMUNDARIVM, sita in saltu Ardennensi, priuilegio nostræ auctoritatis muniremus: & quia iusta visa est petitio tua, assensum tibi præbentes,

Per huius nostri Apostolici priuilegij constitutum, sancimus atque decernimus, secundum antiquorum dicta Regum, scilicet Si-geberti, Clodouei & Dagoberti, qui & eorumdem constitutores fuere monasteriorum, necnon & Imperatorum, Caroli, Loduici & Othonis, Augustorum,

Vt loca, vel villæ aut possessiones, quæ à Regibus, Imperatoribus ceterisque bonis Christianis præfatis sanctis locis largita atque oblatæ, & in postmodum concedenda sunt, firma stabilitate, perpetuoque iure inconcussa permaneant, iuxta quod eadem loca venerabilia Apostolico, Imperiali, Regioque constituto priuilegioque constant munita; nec liceat cuiquam magnæ vel paruæ personæ inibi pertinentibus demere quidquam.

Et profecto præterea huic Apostolico decreto id vigilanter inse-
rere, atque Apostolica auctoritate roborare curauimus, vt defun-
cto per successionem Abbe, secundum quod à iam dictis Regi-
bus, necnon & Imperatoribus est diffinitum, ex utrisque in unum
cœnobij consuentibus monachis, habeant sine simulatione, sine
exceptione personæ, secundum S. Benedicti regulam, Abbatem
eligiendi liberam optionem:

Ea tamen præponderante ratione, Malmundariensium pace, &
quia B. Remaclus utriusque monasterij constructor, & Tungren-
sium antea Episcopus & Pastor, maluit in altero eorum, id est, Sta-
bulensium, locum sepulturæ deligere sibi, ipsi primam electionis
obtineant vicem, si apud eos melior meritis, & instructior litteris
inueniatur.

Si autem non illic, sed melior Malmundarij reperiatur utrique
loco præficiendus, ab eo potius quam ab externis assumptus intro-
mittatur.

Si quis autem, quod non optamus, nefario ausu præsumperit
his, quæ ad laudem Dei à nobis, pro stabilitate iam dictorum mona-
steriorum, statuta sunt, refragari, aut hæc in quoquam transgredi;
Sciatis se anathematis vinculo innodatum, & cum diabolo & eius
atrocissi-

atrocissimis pompis, atque Iuda traditore Domini nostri Iesu Christi, aeternis incendijs concremandum.

At verò, qui pio intuitu obseruator & custos in omnibus extiterit huius nostri Apostolici constituti, ad cultum respicientis, benedictionis gratiam à misericordissimo Domino Deo multipliciter consequatur, & vitæ æternæ particeps effici mereatur.

N O T A T I O .

STABVLENSIS & Malmundariensis monasteriorum initia petantur ex Sigeberti Chronico, & nostris Originibus Benedictinis.

C A P V T X X X I .

Pons lapideus Dionantensis super Moſa flumine an. 1080. adificatur, Henrico Episcopo Leodicensi, Alberto Comite Namurensi, Conone Comite, & alijs consentientibus.

IN nomine Domini. Quicumque fideles istud conscriptum legeritis, sciatis hoc factum esse voluntate & præcepto Henrici Episcopi Leodicensis & Comitis Alberti Namucensis, à me GODESCALCO Abbe sanctæ ecclesie Walciodorensis, in honorem Dei, ad confirmationem sequentis operis.

A tempore Eilberti Comitis, qui primus in Walciodoro monasticam vitam instituit, usque ad tempus istud, quo pons lapideus in DEONANT cœpit construi, nauem unam magnam, quam Bargam vocant, ad opus transuentium, habebat ecclesia Walciodorensis. Hæc dabat fratribus nonaginta quatuor denarios singulis annis, & Abbat, qui prærerat, quatuor sextarios optimi vini.

Cumque placuisset dominis, qui præerant loco, scilicet HENRICO Episcopo, Comiti ALBERTO Namucensi, CONONI Comiti, & Frunuardo Præposito, & opidaneis, Isaac Villico, & Gozuino de Rupe, & ceteris, ut pons fieret lapideus, unde villa melioraretur (nam antea quidem fuit, sed nulli erat aptus usui) conuenierunt in unum in eadem villa, III. Kalendas Septembribus.

Ibi me accersiens Episcopus prænominatus, rogatu & consilio Deonan-